





T78

V32




John Carter Brown.









Brevis & admiranda descriptio
REGNI GVIANÆ, AVRI
ABVNDANTISSIMI, IN AMERICA,
SEV NOVO ORBE, SVB LINEA ÆQVINOCTILIA
siti: Quod nuper admodum, Annis nimirum

1564, 1595 & 1596.

Per Generosum Dominum,

Dn. GVALTHERVM RALEGHE QVI-
tem Anglum detectum est: paulò post jussu ejus
duo bus libellis comprehensa:

Ex quibus

IODOCVS HONDIVS TABVLAM GEO-
graphicam adornavit, addita explicatione
Belgico sermone scripta:

Nunc verò in Latinum sermonem translata, & ex variis
authoribus hinc inde declarata.



NORIBERGAE,
Impensis LEVINE HULSIJ, D. M. XCIX.

1950

Faint, illegible text, possibly bleed-through from the reverse side of the page.

THE UNIVERSITY OF CHICAGO
LIBRARY



Faint, illegible text at the bottom of the page, possibly bleed-through.



JOHN CARTER BROWN

L. H. Benevolo Lectori

S.



MIRABITVR fortasè quis-
piam, quare opusculum hoc, de
cuius narratorum veritate non
immerito dubitari posset, in lu-
cem nostro idiomate dare vo-
luerim. Illi respondeo, me hac ipsamet causa ad
id permotum esse, quia mira & inaudita con-
tinet: atq; id eò magis, quoniam constat, id non
solum in duabus aliis linguis, verum etiam
iussu & mandato virorum praestantissimorum
publicatum esse, qui ipsi navigationi huic pra-
fuerunt. Atque adeò qualia sunt quae quotidie
mirari solemus? talia nimirum quae insueta in-
solitaq; nobis haëtenuis fuerunt: statim autem
ut ob oculos nostros assidue versari incipiunt,
admiratio quoque nostra desinit, ut ut res ipsa

A 2

per

per sese admiratione dignissima fuerit. Quis
crederet tam atro vivere homines ut Aethio-
pes sunt, nisi nos fide digni authores obtestaren-
tur, qui in illis regionibus peregrinati sunt, aut
ipsi hisce nostris oculis vidissemus? Quis crede-
ret per rerum naturam fieri posse, ut homo to-
tum septennium sine cibo & potu viveret? at-
qui experientia docuit, Anno 1584 in pago
quodam Schmidweiler dicto, prope lautram
Caesaris, vixisse virginē quandam nomine Ca-
tharinam, circiter viginti septem annos natā,
filiam cuiusdam Conradi Binders, & Catha-
rina Waldmeria uxoris eius, qua integro ac
continuo septennio ne tantillum cibi aut potus
per gulam immittere potuit: nec quicquā ex-
crementorum aut sudoris emisit: & nihilomi-
nus tamen rosea, vivida, bene cōstituta ac for-
mosa facie fuit, vividis & vigentibus oculis, ut
ii, qui recta valitudine sunt pradii: vocem
quoque placidam, sonorāq; satis emisit, & ar-
ticutatē, ut ab omnib. intelligi posset, locuta est:
pro ut illustrissimi Principis ac Domini, Do-
mini Iohannis Casimiri, Comitis Palatini
ad Rhe-

ad Rhenum, Ducis Bojaria, &c. legati ad
eam rem explorandam missi, Celsitudini ejus,
domum reversi, retulerunt. Hujus generis in-
credibilia & miranda exempla magno nume-
ro cumulare possem, quod tamen hoc in loco su-
per vacaneum judico, sed nostram materiam
aggrediar.


Duo autem in primis mirabilia in hoc opu-
sculo commemorantur, Vnum est: In America
Regionem seu Provinciam esse, qua à fœminis,
vulgo Amazones dictis administratur, quaꝫ
nullos viros secum habitare patientur. De qui-
bus nos testimoniis antiquorum scriptorum do-
cebimus ante multa secula in Asia quoꝫ & A-
frica ejusmodi fœminas vixisse, ut ex alligatis
scriptis doctorum authorum manifestum fiet.

Alterum admiratione dignissimum est ho-
minis istis in locis inveniri, oculos & os in pe-
ctore gerentes. Nec deerunt nobis fide digni
authores, quibus simili modo docere queamus,
ejusmodi homines olim quoꝫ in Asia & A-
frica visos esse. Non autem hac eo animo affer-

ro, quod quenquam ad assentiendum cogere velim, sed hoc tantum ostendere volo, in praestantissimorum & fide dignorum authorum scriptis talia reperiri, quos consentaneum non est, talia scripturos fuisse, nisi res in rei veritate ita se haberet.

In hoc autem opusculo authoris narrationem integram posui: sic ubi verò in gratiam studiosi Lectoris aliquorum authorum testimonia allegavi, id differēte à reliquis scriptura imprimi curavi. Opusculum enim hoc recreationis causa (dum in alio graviori opere elaborando occupatus essem) in manus sumsi: Benevolum Lectorem etiam atque etiam rogans, ut hunc meum tenuem licet laborem aequi bonique faciat, Vale.

Caput



Caput Primum.



NOBILIS ac generosus Baro GVALTHERVS RALEGH, Eques auratus expeditioni seu navigationi huic tribus continuis annis, nempe 1594 1595 & 1596 propria sua personâ presuit, & peritos industriosque nautas aliosque artifices secum habuit: qui situm huius regionis, quam à fluvio Amazonio, vulgo de las Amazonas dicto, usque ad Promontorium de la vela circum navigarunt, artificiosè ac diligenter deumbrarunt ac descripserunt: ita ut cuiusque loci anfractus, juxta veram ejus longitudinem & latitudinem, seu elevationem Poli tabulis geographicis expressi sint. Quin etiam per mediam istam terram, ex fluvio Capuri dicto, in fluvium Orenoq, ultra centum miliaria Germanica navigis vecti sunt: atque inde filium Regis Morequitensis, quod regnum ad fluvium Orenoque meridiem versus situm est, secum in Angliam duxerunt.

Multum interest nautarum tabulas Geographicas, (ab ipsis Chartas compassus dictas) earum regionum quas velis petere instituerunt, exactè diligentia confectas esse: ad eas enim tanquam ad amussim cursus suos examinare, atque animadvertere solent quibus ventis ad cursum institutum uti possint, ubi urbs aut locus petendus inveniri possit, & quantum unus locus ab altero distet. Quo facilius autem singula loca eorumque situs in descriptione hac allegata in Charta Geographica adiuncta inveniri possint, ad calcem huius opusculi indicem adjeci, quo singula loca cum suis gradibus longitudinis & latitudinis, juxta ordinem Alphabeti continentur. Exempli gratia: Si Urbem Morequito dictam in tabula hac quærere volueris: vide in indice literam M, ubi invenies eam sub 16½ Gradu longitudinis sitam esse. Numerum hunc quærere in æquatore in charta medio, & regulam
feu

seu filum super eum ducito. Rursus ex Indice, perspicis Urbem hanc sitam esse sub 4. Gradu latitudinis seu elevationis Poli: quare simili modo filum super hunc numerum, quem ad dextram & sinistram chartæ invenies: & intersectio filorum tibi locum seu urbem quæ sitam ostendet, Atque consimiliter fac in aliis locis quærendis.

Cap. I I.

De situ & proprietatibus huius regni.

PROVINCIA hæc seu regnum Guiana, sub ipsa æquinoctiali linea in America seu novo orbe sita est, intra Brasiliam & Peru, multis magnis, & splendidis urbibus, fluminibusque navigabilibus ornata aurique ditissima est, & omnis generis animalibus abundat: Ferturq; in ea habitare homines inaudita atque monstrose formæ, ut postea dicturi sumus. Et quamvis frigus in regione ista calorem aëris nunquam vincit: hylmem tamen habent intra Maium & Septembrem: atq; eo tempore impossibile est navem ibi perdurare propter immanes procellas, impetum vëtorum, continuarum imbrium, ac fulminum, unde omnia flumina mirum in modum inslantur, adeo ut fluvius Orenoque (qui alias maximus & latissimus est, atq; versus Septentrionem aut potius intra septentrionem & Ortum, prope Insulam S. Trinitatis, sese in mare exonerat) ultra triginta pedes sese extollat, ita ut omnes intra eius ostia sita Insulae. (nam octo aut decem ostiis in mare labitur) aquis eius tegantur. Tempore isto incole in tempore sibi prospiciunt, namq; in colles & arbores, quibus casas suas inædificant, sese recipiunt, ubi sese cum uxoribus & liberis, donec fluvius decrescat sese sustentant.

In sua descriptione America.

Meminit huius rei etiam Cornelius de Iudæis hisce verbis: In Castilia del Oro Incolæ arboribus inædificant, quæ magna copia ibi proveniunt, ut ab inundationibus fluminum tuti sint, quod ob loca palustria ibi valde usitatum est.

Arbores

I la Trinidad.

MARE del NORT.

4

Terra
di
PARIA.

Orenque F.

Capua F.





RPJCB

1
f
4

RFJCE

A. L. 222

erfus



Sini Vulpa.

Häute.

Armadillo.

Arbores in hac regione multò proceriores sunt nostris arboribus. Nam Vincentius Yanes Pinzonius, & agnatus ejus A. Lopez par. 2. cap. 85. Arias, qui Anno 1499 regionem hanc ab Angla S. Lucæ, ad ostia fluvii Amazonij sitæ, ad Pariam usque velis suis visitarunt, hoc tanquam rem mirandam prædicant, se arbores illis in locis vidisse, quas sedecim viri amplexu ulnarum suarum metiri non potuerint.

Regnum hoc Guiana ditissimum est Auro, Gemmis, Margaritis, Balsamo, Oleo, Pipere longo, Gingibere, Sacharo, Thure, herbis præciosissimis, medicina inferuentibus: Item gummi, melle, serico, xilino, liquis Brasilicis. Ha merces omnes ab incolis permutatis aliis mercibus acquirunt: Desiderant autem potissimum secures, cultros omnis generis, & hujusmodi alias ferreas merces, quæ Noribergæ parari solent.

Multa ea regio animalia alit nobis nota, utpote Leones, Tygres, Leopardos, Cervos, vulpes, Canes, porcos, lepores, testudines, lutarias, gallinas, perdices, fasanos, grues, coturnices, ardeas, & alia plura.

Regio Paria animal quadrupes habet, quod generis semivulpem, hoc est, ex simia & vulpe compositam appellat, quandoquidem priore parte vulpem (excepto solo, quod aures vesperitilio similes habet) posteriore Simiam refert. Pedes habet humanis non absimiles: atqui in ventre saccum, quem crumenæ instar laxare & constringere potest, atque in eum pullos recipere, & lactandos rursus emittere. *Bæxolib. 2. cap. 14.*

Lopez in historia novarum Indiarum scribit Vincentium Yanem Pinzonium Anno 1499 ex regione Humos dicta, cutem hujus animalis in Hispaniam attulisse. *Parte 2c. 85*

In Guiana aliud est mirabile animalculum, ab Hispanis Armadillo dictum: quod porcello non absimile, corpore tamen multò est rotundiore, & acuminatam caudam habet: Per totum autem corpus, tecta, seu cortice quodam durissimo munitum & armatum est: habitatque in locis subterraneis ut talpa. Omnis ejus virtus in exiguo caudæ osciculo consistit: quod contusum & in pulverem redactum & in aures immisum doloribus earum medetur. *Franciscus Gomara.*

4
*Cosmogra-
ph. Theu.
lib. 21. cap.
13.*

Versus Brasiliam aliud genus animalis non minus mirabile vivit quod aliqui Hante, Brasiliani verò Hay appellant. Animal hoc nemo unquam hominum edere aut bibere vidit, Vnde opinio est animal hoc nullo cibo & potu, sed aëre tantum vivere. Theretus qui longo tempore tale animal vivum habuit, Gesnero tandem id (quemadmodum uterque testatur) cutem eius misit.

Cap. I I I.

De vrbibus huius regni.

METROPOLIS huius regni Guiana nomen est Manoa, ab aliis verò El Dorado appellatur: eaq; maxima atq; potentissima urbs totius America esse fertur: quinimò Iodocus Hondius in nova sua Tabula Geographica vult, eam totius orbis esse maximam. Sita est autem ad Lacum Parime, qui ab aliis nationibus Toponi VVini dicitur: ejus longitudo ad 200 miliaria excurret, & aquam salisam continet: Plurimaque in eo sunt Insula, ac lintres, seu navigia Indica, quibus & omnibus adjacentibus regionibus, quae auro & omnis generis animalibus abundant, Vazia ad vitam necessaria advehuntur. multa enim ingentia flumina in hunc lacum sese exonerant, & alia ex eodem scaturiunt. Solent etiam incolae lintribus suis, seu Indicis navigiis ex magno hoc lacu, per fluvium VVaiabegum, seu VViapagum (qui versus septentrionem juxta promontorium de la Corda, aliàs Conde dicto, sub 333 Gr long. & 3. Gr. lat. in mare se exonerat) spacio viginti dierum in Oceanum navigare. Incola regionis quae Capervacca dicitur, ubi fluvius Cajiani, seu Cajanc, sub 331½ Gr. long. & 4. Gr. lat. mare influit, qui valde humani & affabiles commerciorum quoque assueti esse dicuntur, siquidem omnibus ad vitam degendam necessariis abundanter dicuntur: ex jam dicto fluvio in magnum hunc lacum, atq; adeo ad ipsam urbem Manoa, ut indubitata opinio est, navigar, possunt

Eſcekebe F.

7

MANOA odel DORADO.

LACVS SALSVS
PARIME.



APJCB

possunt. Flumen hoc valde amœnum est, & navigiis plurimum aptissimum: quod ubi mare influit militare germanicū latum est: in eius ostio tres scopuli ingentes siti sunt, qui triplicem Eripum causantur.

Qui autem ad fluvium Essekeben, seu Dorvoritiam, ad Urbem Primiere sub 325 gr. longit. & 4½ gr lat: in mare labentem habitant: quæ extreme fines sunt, quò Hispani pertingunt: navigiis suis hoc flumine intra viginti dies tam prope ad lacum hunc venire possunt, ut inde unius diei itinere lintres suasque merces curribus in lacum supra dictum transportare soleant, unde rufus quocunq; libet navigant, & cum incolis negociantur, & expeditis suis negociis domum revertuntur.

In ripa fluvii Macavvini, qui sub 324. gr. long. & 5. gr. latitud. in mare labitur, aurum magna copia ex arena effoditur.

Caput IV.

Uterior descriptio qualitatuum huius regionis.

SUPRA mentio facta est magni fluvii Orenog, qui octo aut decem ostiis in mare sese exonerat, quorum unum ostium versus orientem situm, nomen peculiaris fluvii Capuri dicti sortitum est: qui tamen fluvius valde arenosus & vadofus est, ita ut aqua decrefcente mare ultra quinq; pedum altitudinem non habeat. Prope influxum huius fluvii in mare, cavitas quadam est litoris, versus orientem vergentis, in quam venti tanto impetu feruntur, ut impossibile appareat ex hoc fluvio in mare navigare.

Arauvaca locus est prope fluvium Orenog, versus occidentem situs. Ejus loci incolæ sædi ac vagabundi, sed Hispanorum amici sunt.

Populus Iaos ad fluvium Essekebe, potens & bellicosus, sed Hispanis valde hostilis: hi corpora sua coloribus discriminare solent, ut ab Aravvacis vicinis ac hostibus ipsorum dignoscantur.

Cassipa lacus est, sive stagnum in quod fluvius Orenoque sese effundit, in latitudine habens 15, miliaria, & rotidem fere in latitudine: Arena huius stagni auri est abundantissima, magnisq; montibus & rupibus circumseptum est, ab incolis Cassipagotos dictis, quae ex solido auro esse dicuntur.

Macureguarai urbs non procalà stagno hoc sita, prima est ex illa parte, ad regnum Guiana pertinens.

Anapaia Provincia est regni Guiana eaq; auro ditissima. Aqua istis in locis circa meridiem saluberrima, mane autem & in primis noctu, venenum est.

Prope Caperuvacka fluvius Campanse praterlabitur, sub 332. grad. long. & 4. gradu latitud. & mare influit. Ligna Brasilia ibi magna copia proveniunt, & quia locus iste incolas nullas habet, cuius ex istis quantum vult sumere licet.

Caput V.

De Foeminis Amazones dictis.

CONTERMINI habitatores huius regni Guiana versus ortum Amazones sunt, à quibus proximus ille fluvius Amazonas nomen suum sortitus est: Atq; femina tantum sunt nullius maris inter sese ferentes consortium, sed abeunte aetate bello cui mox assuescunt, sese exercentes, quod cum hostibus ipsorum indefinenter gerunt & adversus illos crudeliter admodum sese gerunt. Quotannis autem unum mensem, qui Aprilis esse existimatur, maribus se associant, ne pro sapia ipsorum intereat. Atque hoc mense omnes finitimi Reges conveniunt: quibus Amazonica femina, quacumq; aetatis ratione ad con-

cipi,

7
cipiendos liberos idonea sunt associant: tum sibi earum regina
unum ex regibus sibi pro compare elegit, reliqua deinde sorte
viros inter se dividunt. Atque ita totum hunc mensem con-
vivis, saltationibus, aliisque modis hilariter, pro ipsorum con-
suetudine, & moribus transigunt: Mense autem exacto quili-
bet regionem & domum suam repetit.

Fœminæ autem ex virorum congressu gravida factæ, &
masculos parientes hos patribus eorum mittunt, fœmellas au-
tem retinent, easque more ipsorum educant: patri verò in signum
gratitudinis dona mittunt. Auro abundant hæ fœminæ, quod
permutatione quorundam viridum lapillorum à vicinis suis
mercantur.

De Amazonibus hæc, & fluvio de las Amazonas dicto, in
hunc modum scribit Fr. Lopez (quamvis ut apparet de veritate *Historia In-*
ipse dubitet) Anno 1542 Franciscus Orellana fluvium Mara- *die par. 2.*
gnon aliàs Amazonas dictum, quique ab ipso novum nomen *cap. 89.*
fluvii Orellani sortitus est, à regione Peru in mare usque Septen-
trionale dictum, emensis propter ejus antractus ultra 6000. mi-
liaribus Italicis, primus navigavit: Qui reversus senatui Indico
retulit, se in fluvio isto bellicosas fœminas Amazonas dictas vi-
xisse, & cum illis conflixisse.

Andreas Thevetus in sua Cosmographia, meminit huius rei
hunc in modum: *lib. 22. cap.*

Ad fluvium Amazonium dictum, nunc vero Francisco Orel- *2. & 3.*
lanæ homonymum, qui eum tribus ferè mensibus pernavigavit,
fœminæ habitare dicuntur, quæ majore anni parte sine viris de-
gunt: certo tamen tempore mares in Insulas suas recipiunt: un-
de vulgari & antiquo nomine Amazones appellantur. Accolæ
hujus fluvii sunt Canibales, humanas carnes vorantes, exceptis
iis qui in montib. habitant, quas fœminas esse existimant. Fran-
ciscus Orellana & ejusmodi Comites multas ejusmodi fœminas
arcubus & sagittis armatas in ripa hujus fluvii viderunt, quæ ipsis
obsistere & præternavigationem impedire voluerunt; Narrant
quoque se vidisse fœminas istas quosdam viros in littore captos
pedibus

In Brasilia
& Rio de
la Plata
pag. 29.

pedibus ex arbore capite in terram verso suspēdiffe, eosque post
modum innumerabilibus sagittis transfixisse, ac tandem igne sub
illis accento eos concremassē.

Vlricus Schmidel in descriptione suæ navigationis, quam
manuscriptam penes me habeo, & quàm primùm Deo volente
publicare institui, harum fœminarum hunc ferè in modum me-
minit. Circa annum 1542. Cum Capitaneus urbis Assum-
ptio dicta, in Brasilia esset Albermunzo Capessa De Pocha, ego
cum Capitano Ernando Rieffere, & aliis octoginta ex focis no-
stris fluvium Paraguay & Parabol sursum navigavi: Venimus
tãdem ad Regem quendam nomine Scherves, non procul à tropi-
co Capricorni habitantem: is Capitano nostro donabat Co-
ronam argenteam, quam ex bello cum Amazonicis fœminis ge-
rito reportasse se aiebat. Cùm itaque de Amazonicis fœminis ge-
ditivis mentionem fecisset, capitaneus noster interrogabat: an
navibus eò pertingere possemus, quod Rex iste negabat: sed ter-
restri itinere duorum mensium spacio aliàs eò pervenire posse as-
seribat: jam verò id fieri non posse; quandoquidem terræ facies
hoc anni tempore aquarum inundatione appleta esset. Capita-
neus autem noster ei fidem adhibere volebat. Itaque Indjanis
quibusdam Comitati in instituto itinere perreximus, & emenso
septendecim dierum itinere pervenimus ad populum quendam
Orthaelen dictum: priusquam autem huc pertigissemus multos
interdum dies nunc ad poplites, nunc ad pubem usque, per aquas
quæ calidæ admodum erant, ambulaverimus.

Orthueforum autem regulus à Capitano nostro de Ama-
zonibus interrogatus, respondebat, integro nos menstruo itinere
etiãnnum ab illis abesse: & ipse quoque ardebat, terram hoc
tempore aquis appletam esse: Quare nos per eandem viam qua
veneramus reverti sumus

Fœminæ istæ Amazoniæ in magna Insula, omni ex parte a-
quis Cincta habitant ita ut bellum ipsis inferentibus navigiis re-
gionem earum adoriri necesse sit, Nullum autem in Insula hac au-
rum provenit sed tantum in regione à viris habitata, penes quos
magna auri vis invenitur: potensque istis in locis Rex est qui
leguas cognominatur.

Fœmi-



1
e
L
P

RFVCS

Fœminæ istæ unam tantum mamillam hæbent: Viri certis anni vicibus ad eas veniunt, atque si ex illis masculo, aut fœmel- las concipiunt, agunt de illis ut supra dictum: Arma earum sunt arcus: Bella autem acerba cum hostibus suis gerunt. Hactenus Vlricus Schmidel.

De Amazonibus fœminis bellicosis in genere multi præ- stantes & fide digni authores scripserunt: ita ut dubium non sit tales aliquando fuisse fœminas, quamvis Strabo earum mentio- nem faciens videatur subdubitare: Nomen autem Amazonum compositum est ex privativa particula α & μά, quod mam- mam significat, quasi quoddam mammis careant. In juventute enim à matribus dextra mamma candenti ferro exuritur, ne in bello arcum intendentes impediantur. Habitarunt autem olim ejus- modi fœminæ tam in Africa quàm in Asia, Primæ Amazones or- tum duxerunt ex Lybia regione Africæ, idque factum temporibus Abraham: hæ enim viros, qui seipis subjicere noluerunt, omnes interfecerunt: habitasse feruntur in Insula quadam Hesperia dicta: nomen Reginae earum fuit Myrina. Thoraces reliquæ que eorum arma, defensiva parata fuerunt ex cutibus seu exuviis serpentum: offensiva vero fuerunt gladii, lanceæ & arcus. Hæ fœminæ Amazones expugnarunt urbes, Cherzonem & Atlantidem, profligarunt Garginitas, inde per Lybiam in Ægyptum penetrarunt: inde Arabiam, Syriam, Ciliciam, Phrygiam per- vaserunt & in Europam pervenerunt: Epëiro deinde potiti sunt, & per tractum Isthrii in Sueviam usque pertingerunt: ubi profligatæ & dispersæ sunt. Ex istis Scythiæ seu Asiaticæ Amazones, ad Meotidem paludem originem duxisse existimantur.

Pomponius Mela Propertius & Claudianus scribunt, Scy- thas olim patria pulsos, in Asia Minore prope Cappadociam ad fluvium Thermadoontem, qui in pontum Euxinum labitur, se- dem fixisse, & ibi omnes incolas ad internecionem usque con- cidisse, fœminas autem mortem maritorum ulturæ, & arma ce- pisse, & Cappadociæ habitatores profligasse, ac tota ista regione ejecisse. Aliquo deinde tempore interjecto ductrice Marpesia Regina Armeniam, Syriam, Ciliciam, Pisiidiam, Persiam, & Galati- am

*Just. lib. 2.
2. Curt.
lib. 6.*

*Diodor. Sin-
cul. lib. 3.*

*& 4.
Paul. Oros.
lib. 15.*

*Herodot.
lib. 4.*

*Solin. cap.
27. & 65.*

*Pompon.
Mela lib. 1.*

*Martian.
c. 9. lib. 9.*

*Plutarch.
in vita*

*Thesei &
Pompei*

*Magni.
Herodot.*

Mela.

*Propertius.
Claudianus.*

Plutarch.
in vita

Thes. nu. 9.

Pausan. lib.

1. Iust. lib.

2. Vergili-

us. Salustig

Liv. 7. cap.

56.

tiam pervaserunt armis, amœnam urbem Ephesum, & celeberrimum Dianæ templum, cuius in actis Apostolorum cap. 19. mentio fit, fundarunt & ultra 300 annos istis in locis dominatæ sunt: donec Hercules & Theseus fœminas hæcè invaserunt Illæ autem paulò post expugnarunt Athenis pulsæ ex ea Græcis, atque castra sua media in urbe metatæ sunt.

Paulo post cum Troja à Græcis obsessa esset, harum fœminarum Regina Pêthelisea obsessis magno exercitu fœmineo subsidio venit: quæ tamen multis sordibus factis perpetratis ab Achille occisa est.

Penthesilea ista, teste Plinio prima secures invenisse traditur.

Manethon.

Avētinus.

Anno 1142. ante Christum natum, quadraginta annis post excidium Trojæ, fœminarum istarum Regina Amar, urbem Ephesum deprædata est, & celeberrimum templum Dianæ incendit & exulsit.

Supplemē-

sum 2.

Curtii lib.

6. arc. 5.

Temporibus Alexandri Magni regina harum fœminarum, nomine Thalestris, sive ut Iustinianus vult Minithia ad eum venit, cum exercitu trecentarum millium fœminarum scutis, castris et armatarum, concubitu Alexandri appetens ac quadraginta seu ut alii volunt 30 dies cum ipso cômorata se gravidâ sensit. Paulo post tamen omnes Amazonicæ fœminæ interisse dicuntur.

Num. 10.

pag. 86.

Plutarchus in vita Pompei magni narrat, Amazones in Asia prope populum Leleges dictum (Cuius Aristoteles, Strabo, Plinius, & Virgilius meminerunt) habitasse, non procul à monte Caucaſo, & Mari Hircano, & ibi prope fluvium Thermoodontem bis in anno supra dictis Lelegibus se associasse, extra illud tempus autem perpetuo sine maribus vivere conſueviſſe.

Plinius 6.

cap. 20.

cap. 9. Dio-

nyf. lib. 4.

Plinius scribit, in Asia olim fuisse regionem, non procul à Caramanis, Pandi dictam, à fœminis gubernatam, quæ ultra 300 habuerit vrbes, & in expeditionem producere potuerit 150000 hominum, pedestrium, ac 500 Elephantes.

Eduard Lopez in descriptione Regni Congo narrat, in Regno Monomotapa, in Africa, sub 60. gradu longitud. & 19. grad. latitud. meridional. sito, eiusmodi fœminas bellicosas, seu

Amazo-





15
Amazones habitare, quæ à teneris annis in bello exerceantur, atque more Antiquarum Amazonum levam mammam exurere soleant, ne arcum intendentes ea impediatur: Arma enim earum esse arcum & sagittas: Certis quoque temporibus sese viris associare.

Qui plura de scæminis hæc bellicosæ legere desiderat, videat varias lectiones P. Mesiæ, parte 1. cap. 10. & M. Cyriaci Spangenbergii Speculum nobilitatis lib. 13. cap. 15. per totum.

Caput VI.

De hominibus stupendæ formæ, qui in regno Guianæ inveniuntur.

DE Provincia Iouaipanoma regni Guiana, sita intra lacum Cassipa, & stagnum Parime, testatur Dominus Raleghius, in supra allegato libello (ut Iodocus Hondius in sæpe memorata tabula Geographica diligenter refert) istis in locis vivere genus hominum sine collo & capita, oculos & reliquas faciei partes in pectore gerentes, qui tamen aliàs robusti, sædici & Barbarici sint homines.

Quamvis hoc à multis fabulæ quàm veritati similius existi, mari posset: multi tamen præstantes fide digni ac docti viri scriptis suis memoriæ prædiderunt, tales homines olim in Asia quæque inventos esse.

Plinius secundus, qui vixit tempore Imperatoris Vespasiani, scribit in Historia naturali, versus occidentem ad montem Milo in Asia, vivere genus hominum, sine capitibus, habentes oculos in pectore intra axillas, *lib. 7. cap. 2*

Divus Augustinus quoque ita de illis scribit: Homines esse feruntur oculos in humeris gerentes, & acephali, pro ut Carthagine in vico Maris Mosaica pictura delineati visuntur. *De Civitate Dei, Lib. 16. cap. 8.*

C

Isido-

*In Codice
Etymolo-
giarum lib
II, de port.*

Isidorus Episcopus Hispalensis, in libro de portentis scribit: quædam portenta nascuntur, ex parte tantum consuetam formam mutantes: quo ex genere sunt homines, Capita canina aut Leonina habentes: quædam consuetam formam profus mutant: puta si fœmina vitulum pariat: Quædam vero formam non mutant sed transponunt: cuius generis sunt, qui oculos in pectore gerunt. In Libia enim degere creduntur huiusmodi homines, qui sine capitibus nati sunt, oculosque & os in pectore habent.

Atque ita benevole lector breviter habes mirabilem hanc nauticam expeditionem, cum aliqua declaratione, Ego autem narrationem historicam, ab anno 1492 quo terra ista nova seu America, primò inventa est, incoantem, ac quicquid versus meridiem ab eo tempore memorabile gestum est, continentem, ex variis authoribus in peculiarem libellum collegi, quo

Lectorem, si quid præterea desiderat, remitto.

V. A. L. E. & F. R. U. E. R. E.



TABV-

TABVLA LOCORVM, QVORVM

IN LIBELLO HOC MENTIO FIT: NO-
 sandum autem literam S Septentrionem significare & ab e-
 quinoctiali linea sursum in Tabula Geographica quarendum esse
 se: literam vero M Meridiem, atque ab aequatore
 deorsum esse quarendum.

	G, lon. G. lat.				G, lon. G. lat.		
Amapaia	313	2	S	Iaos	325	3	S
Amazones Flu.	338	0		Ivvaiponoma	315	1	S
Amazon: regio	327	11	M	Macavvini	324	6	S
Augla S. Luca	340	1	M	Macuregnarai	316	3	S
Aravvaca	318 $\frac{1}{2}$	6	S	Manoa	320	1	S
Assumption	337	23	M	Moriquito	317	4	S
Brafilia	340	9	M	Orellana Fl.	338	0	
Caiane Flu.	331 $\frac{1}{2}$	4	S	Orenoque Fl.	116	5	S
Cap. de vela.	310	12	S	Orthuesi			
Cap. de corda	334	3	S	Parabel Fl.	330	23	M
Capervvacka	331 $\frac{1}{2}$	4	S	Paragna	335	20	M
Capuri Fl.	322	7	S	Parja	319	8	S
Cassipa	315	3	S	Parimelacus	320	0	S
Cassipagotes	316	1 $\frac{1}{2}$	S	Peru	296	7	M
Castilia del Oro	303	5 $\frac{1}{2}$	S	Rio de las Ama-			
Dorado	320	1	S	zones	338	0	
Demorary Fl.	325	5	S	Scherves			
Eslebeke Fl.	322	3	S	Toponovvini			
Guiana	310	1	S	Trinidado	321	9	S
Humos	336	6	M	VVaiabego	429	2	M

F I N I S:

NORIBERGÆ

Excudebat Christophorus Lochner, Anno

Epoche Christiana 1615, MCMXV.

J
Hulsius
pt. 5
1599
2
cap 2

